

[www.BibleForChildren.org](http://www.BibleForChildren.org)


# Mateo 8



Chentšana unga tianoye, canye casamento inamna, canye pueblentše Caná ca uabáinentše, Galileoca. Chë oboyejuayoca Jesusbe mamá yojtsemna. Jesús y chabe uatsjéndayëngnaca chë casamentoca ófjanënga imojtsemna.



Chë oboyejuayentše, vínoye yojtsopochóca y  
Jesusbe mamá tbojaníyana: —Ya tondaye vínoye  
quemátsbomna ca. Chentšana, chabe mamá, chentša  
oservénënga tojanëyana: —Lempe šmochjama,  
ntšamo cha chacmojayancá ca.



Chora Jesús chë oservénënga  
tojanamëndá: “Quem matbajënga béjayeca  
mobuajutetjé ca.” Y chënga, chora lempe  
tmojanbuajutetjé. Y Jesús tojanëyana:  
“Morna, báseye mobuatsjo y chë fiesta  
otocanábioye mabuyamba ca.”  
Ychënga chca tmojanma.



Chora, chë fiesta otocaná, chë béjaye Jesús vínoye tojanbemiye tojanftantiá, ndëmocana yojóboचना n्तsetatšëmbcá. Pero chë oservénëngna aíñe imojtsetátšëmbo ndëmocana, er cachënga chë béjaye tmojanbuatsjo.



As, chë fiesta otocanana, chë bobontse  
bouamnábioye tbojanchembo, y tbojaniyana:  
“Nÿetscanga monduamana  
natsana chë más uámana  
vínoye jushebëcana,  
y chë ófjanënga becá  
tmojatëmo ora, chë más  
batšá uámaniye. Pero  
acna, chë más  
uámana vínoye  
morscama  
tcojtsabofjajó  
ca.”



Ntšamo Jesús tojanmcá Caná pueblentše,  
Galileoca, yojamna chabe natsana  
bëts soye Bëngbe Bëtsabe  
obenánaca.



Ychca, chabe bëts obenana  
yuámananacha tojaninÿanÿé;  
yas, chabe uatsjéndayënga  
chábeñe imojtsošbuaché.






Chentšana Jesús, Pédrēbe yebnoye  
tojána. Chentše Pédrēbe uambén  
mamá šocá calentóraca  
yojtsejutsnajona.



Chora Jesús chë uambén mamabe  
cucuatše tojánbojajo y cachora chë calentora  
tbojtsanóbojuanañe. Chorna chë uambén mamá  
tojtantsbaná y tojanontšé chënga jobuácuedana.




Chë te jetiñe, shinÿe ya yojuenatjëmbe  
ora, chë luarentša nÿetsca šoquënga  
y bacna bayëjënga  
uambayënga  
Jesúsbioye  
tmojanënatse;  
y nÿetsca  
entšanga bëšoye  
imojobeconá.



Jesús banga tojanashná, nýetsca šocana  
bomnënga, y ba bacna bayëjënga entšanguentšana  
tojtanëbuacna; y ndoñe tonjanalesenciá chë bayëjënga  
chamóyebuambama, er chënga imnatátšëmbo  
cha chë Cristo bétsemnama.



Nyetsca entšanga tša imojtseboše y ndayánaca  
imojtsama Jesús jabojuama, er chábentšana bēts  
obenana yojtsóbocana  
y nyetscanga  
yojtsashnaye.



Chora tojanopasá, canta boyabásenga tmojánashjango,  
canÿe entšá jama ndobená imojtsaismana.



Pero ndoñe tmonjanobená  
Jesús yojtsemnoye cha  
juambana, tša  
entšanga causa.



Chcasna, chë canta boyabásenga  
yebna tsbanánoca, Jesusbe  
tatsëtsoca batšá tmojánatëfjo  
y chëjana chë jama  
ndobená tjuashiñe  
tmojanëstjango.





Jesús tojáninÿe chënga tša imojtsošbuaché chë šocá  
jáshnama cha yojanobenama;  
as chë jama ndobenábioye  
tbojaniyana: “Sobreno,  
mouena; acbe  
bacna soyënga  
tcbontseboperdoná  
ca.” “Atše cbëyana,  
matëtsbaná, acbe  
tjuashe mesocñe y  
acbe yebnoye  
motsatoñe ca.”



Chentšana Jesús canye barquëshoye tojánamashëngo  
y chabe uatsjëndayënga  
imojtsetjëmbambnaye. Ndeolpe  
tša jabuache binÿia chë  
uafjajónaye béjajiñe  
yojóshjango; nÿetšá  
jabuachana yojtsemna, chë  
olëshënga barquëshá  
imojtsëtsbotsana. Y  
Jesús chora inétsomañe.



Chora Jesús tojanēyana: —¿Ndáyeca tša šmojtsauatja? ¿Tša batšatema šmojtsošbuaché, Bëngbe Bëtsá tšëngaftanga jujuabuáchama yobenama ca? Chca tojanēyana y tojantsbaná. Chora tojanmandá chë binjia y chë búyeshe bonguana chaotsatsmënama, y lempe natjëmbana yojtsatsmëna. Chabe uatsjëndayënga ojnánänënga



imojtsemna y mëntšá imojtsichamo: “¿Nda quem boyabása yomna? Cha tonjayana y chë binjia y chë búyeshe tmonjoyeuná ca.”

Mëntšánaca Jesús tojánayana:  
—Bëngbe Bëtsá quem luare  
entšángbioye tša  
yojánababuanÿeshanayeca,  
chë nÿe canÿe Uaquiñá  
ibobomná, bëngbioye  
tbojichmó, ...



... n̄yetsca chábeñe ošbuáchiyēnga  
ndoñe chamondóbanama, y aíñe  
chē n̄yetsca tescama yomna tšabe  
vida chamotsebomnama.



Romanos 3:23 Er nÿetscanga bacna soye tmojama, y chë causa, ndocna entšá tonjobená jashjáchana ndocna bacna soye ndbomná jtsemnama y puerte bëtsá jtsemnama, ntšamo Bëngbe Bëtsá tojanjuabocá entšanga chamotsemnama.

Romanos 6:23 Bacna soyënga tcojtsamentšana jóbocnana entšá nÿetsca tescama castiganá chaotsemnama, mo Bëngbe Bëtsabe bominyiñe nÿetsca tescama obanënga cuaftsemncá; pero, Bëngbe Bëtsá šojtsatšatná soyënguentšana, jóbocnana chë nÿetsca tescama yomna tšabe vida jtsebomnana, Cristo Jesús Bëngbe Utabnáftaca cánÿiñe mo canÿacá jtsemnëse.



Hebreos 9:27 Cachcá, ntšamo nyetsca entšanga jtsamnana nye canye jobanama, y chentšana Bëngbe Bëtsá chëngbiana jayanana chë imojëftsiyenëntscuana ntšamo tmojanmcá tšabá o ndoñe tšabá bëtsemnama, y chëngaftaca jamana ntšamo chora tojajuabocá.

Efesios 2:8,9 Er Bëngbe Bëtsá tšëngaftangbiana tšabe juabna yojánbomnayeca, tcmojatsebacá, Jesucristbeñe šmojtsanošbuáchema; pero atsebácanënga šmondmëna, ndoñe cach tšëngaftanga ndayá šmojánmayeca, ndayá ats bocaná jtsemnana endmëna Bëngbe Bëtsabe canye tšetana soye. Atsebácanënga šmondmëna, ndoñe cach tšëngaftanga ndayá šmojánmayeca; chíyeca ndocná quenátobena jtsenábotamnayana ats bocaná yojtsemnama.



Romanos 10:9,10 Chë buayenana soyënguiñe endayana, Jesús ndegombre Bëngbe Utabná yomna ca aca tcojayanëse, y Jesucristo cháuatayenama Bëngbe Bëtsá tojanmama, nÿets ainánaca tcojtsošbuáchese, Bëngbe Bëtsá cmochjatsbocá ca. Er ainanoca bënga Jesucristbeñe jtsošbuáchiyana y Bëngbe Bëtsá jamana cachabe bominiñe tšábenga chamotsemnama; palabrëngaca bënga jinÿanÿiyana ndegombre Jesucristbeñe imojtsošbuáchema, y Bëngbe Bëtsá bënga játsebacana.





Juan 3:16,17 Mëntšánaca Jesús tojánayana:  
—Bëngbe Bëtsá quem luare entšángbioye tša  
yojánababuanÿeshanayeca, chë nÿe canÿe Uaquiñá  
ibobomná, bëngbioye tbojichmó, nÿetsca chábeñe  
ošbuáchiyënga ndoñe chamondóbanama, y aíñe chë  
nÿetsca tescama yomna tšabe vida chamotsebomnama.  
Er Bëngbe Bëtsá chabe Uaquiñá quem luaroye ndoñe  
tbonjichmó quem luare entšangbiana jabáyanama ntšamo  
tmojamama castigánënga chaotsamnama ca, sinó,  
entšanga chábeyeca atsebácanënga chamotsemnama.



1 Juan 5:11-13 Ntšamo Bëngbe Bëtsá chabe Uaquiñabiamá tojayancá mëntšá entsemna: Bëngbe Bëtsá bëngbiamá tojama chë nyetsca tescama yomna tšabe vida chamotsebomnama; y quem vida chabe Uaquiñábeñe entsemna. Nda Bëngbe Bëtsabe Uaquiñáftaca cányiñe mo canyácá tojtsemna, cha chë tšabe vídnaca jtsebomnana; pero nda chë Bëngbe Bëtsabe Uaquiñáftaca cányiñe mo canyácá ndoñe tontsemna, cha chë nyetsca tescama yomna tšabe vida ndoñe ntsebomnana ca.

Tšëngaftanga, chë Bëngbe Bëtsabe Uaquiñábeñe šmošbuachéngbioye quem soyënga cbontsëbuabiamná, ndegombre chašmotsetatšëmbuama chë nyetsca tescama yomna tšabe vida šmojtsebomnama.



Mateo 8-9; Marcos 1-2, 4; Lucas 4, 8; Juan 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Camsá Bible (kbh) © 2009, Wycliffe Bible Translators, Inc.  
All rights reserved.

<https://live.bible.is/bible/KBHWBT/MAT/1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

